

麻城縣志卷二十六

人物志

隱逸

遠性逸情風踈雲上高人之行奕世所放

宋

張慙子隱居九螺山自稱九螺山逸人東坡志林所云黃州故縣張慙子行止如狂者也能吉贊云內史之慙以閑其君惟子之慙獨成其身龍德而隱今鮮其人九螺之山

因子益名

通志

王翊建桃黃菴自號桃黃山人熊吉贊云桃黃之菴中有

麻城縣志

卷二十六

人物志隱逸

四四

隱君尸居蔬食抱樸含真匪道曷依匪善休行無懷之民

葛天之民

通志

元

陳聰世居西山力田務本以禮義廉恥訓鄉邑

舊志

甘望魯幼為人牧奮志攻苦研窮程朱之學卒成名儒以

黃陂有二程望魯臺因以自號

府志

明

董紹號明山以明經考選不樂仕進嘗暇日登山臨水徜徉忘歸留心著作因家世冠裳謙謹過於石氏清高絕俗

子樸登進士封禮部員外郎

黃卷字景文嘉靖己丑進士累官副憲年踰強仕卽解組歸服犢鼻禪躬督田事與奴僕同甘苦嘗從隣舍借耒耜隣人負送卷曰但借足矣豈可復荒汝工因自肩還又嘗以隻鷄尊酒候知縣曰瓦尊可見還知縣笑與之其清樸如此

府志

李瑞號白岡家貧誦讀希古與劉采爲莫逆友萬曆元年建縣城瑞糧里輸工親操畚鍤往役焉時采致政村居以老友役特爲入城省之

麻城縣志

卷三十六

人物志隱逸

四五

周振應嵩之子萬曆己未進士值天啟朝感時畏禍遂絕意仕進年五十卒

陶順以子承謨貴封中憲壽九十九歲居岐亭日與市兒弄常徒行樸茂如木鷄知其頤養之學純矣

劉秉鑰更名孩之號三韋萬曆舉於鄉授知縣棄官歸築室東山讀易足不入城市三十餘年著歸正解詩有別致長艸書晚目暗能揮洒如故

朱之珩號晦生諸生晚講易授徒數困棘闈遂棄舉子業寄情山水遊白臬築石室居焉與釋道一相友善閱藏經

於興福寺閣足不履地者二載諸經多取識跋老戒殺年八十無疾而逝

採訪  
新增

朱家亨字太宇少習制舉業清操不苟萬厯末詔舉賢良遺逸備詹事府用有司以家亨應不就焚香課讀以壽終

子師忠崇禎庚午舉人

同上

萬鑑字孔昭號太貞自幼樸厚純雅年既長勤於耕讀得丹青山水之趣遂隱居不仕人以處士稱之戶科都給事中蔣輔愛其克家以女名守貞字之相助爲理處士家日以裕性好施鄉黨有貧乏者皆賑給之初不計其後之報

麻城縣志

卷二十六

人物志隱逸

四六

否也其子祥貴顯鑑惟戒其盡心王事而優游林下終未至於官舍焉

同上

國朝

曹應昌字石癖別號石霞幼聰穎作文倣徐庾體不事家產已卯舉鄉試第一癸未成進士授嘉定知縣放懷詩酒不修吏治會巡按考察問刑名錢穀幾何應云文章頗能幾句簿書非職所長因左遷閩鹽官首領值鼎革解綬歸里讀書立浪園不關世事洪承疇聘之不起晚歲研精佛乘有蔬堂文集

府志

劉叔頤字百年

家世未詳

幼倜儻有奇才足跡遍天下所如多

不合隱居龜峯山麓之澄波草堂著有集唐詩全稿名偶焉集

梁中斗字季昂歲貢生少以李鄴侯自況數奇不遇晚年隱居鳴山之谷口莊著有守雪亭詩

楊從龍字又雲歲貢親傅子以附監考授縣佐性和樂雅有介操生平持正敢言急公善事凡邑中巨務賴其經理焉年八十有八教子訓孫成名卒業其三男成功尤樸茂無滄孝思不倦龍又可謂有後矣

麻城縣志

卷二十六

人物志隱逸

四七

鄒瑜字子陶舉人早喪父事兄如事父潔清自好惟詩酒文章自娛知縣丁翊壽延爲山長教授生徒成名者甚夥蔡猷遠優生性孝友教授生徒雍正二年本學教諭歐陽汝陞訓導王希詮奉檄遵舉潛德詳申知府布政使皆給額

王國柱字天木領壬申鄉薦性謹厚勤學不倦教授生徒不干外事晚年閉扉謝客獨處課孫勉人以忠厚勤苦爲先鄉里咸敬重之

鄒本字大立由貢生考授州同性渾厚具才識隨父岳陽

任贊襄善政七載其父以老致歸日侍二人極孝養及親  
歿葬祭如禮每月朔望必適墓所瞻依如生時數十年如  
一日生平擇人而與相見以禮久而不渝彬彬然有古人  
風爲族長新祠宇清祀田息訟平爭以公正著聞又嘗督  
修學宮勦建鼓樓及道路橋梁捐貲踴躍鳩工不倦公舉  
鄉飲大賓年八十卒

鄒藩字方伯太常卿鄒汝魯之次子也性聰穎博極羣書  
一覽無遺惟與弟深閉戶互相劇切訓子孫必存大家風  
骨襟懷亢爽不屑作家人計晚歲教授生徒講解純乎正  
學其生平道義自矢裹足不入城市終身布素人不識爲  
貴介公子也六十餘僅以明經老

麻城縣志

卷三十六

人物志隱逸

四八

程先廸字咸惠邑庠生性寬仁以孝友聞好善樂施徧及  
孤寡累世施藥餌以濟貧苦刻有感應篇陰隲文施送八  
十時邑令延爲鄉飲介賓年九十餘卒至今子孫蕃衍  
黃世漢字性安號樂貧居士少業儒好學古文尤涉心易  
理書畫醫卜皆臻其妙家雖壁立立茲誦不輟晏如也

胡爾榮篤實區人生明季幼慧過目成誦爲文有奇氣遭  
時亂寇賊充斥糾集丁壯保鄉里且追剿至河北 國朝

定鼎後隱居防陂源絕意進取芒鞋竹杖嘯傲林泉曹公  
應昌少同硯席自都門歸過訪宿其家見其婦子恬熙淡  
然忘世爲傳以贈

梅鳳藻字丹山少穎悟多聞爲文雄傑人皆以大器目之  
然小試輒屈遂絕意進取事親以孝家雖中落毫不介意  
遇貧困不惜拮据應之中年惟以教授生徒花竹詩酒自  
娛著有香雪樓詩集晚居邑北萬壽集之龍門河因自號  
龍門山人云